

713930

地 340.37

38

25

蒼梧縣志

卷九至十

食貨上 食貨下



蒼梧縣志卷之九

志三

食貨志

先王酌土物之宜而布其利蒼邑雖巖疆天地所滋樹藝所出亦足自給自土貢而外一切丁糧雜徵上關

國課凡倉儲之多寡權稅之出入物產之盈虛既已綜舉大端其中有益於人生日用者雖至纖至瑣亦載於篇志食貨

編目

田賦

倉儲

雜稅

鹽課

物產

蒼梧縣志

卷之九

食貨志

編目



蒼梧縣志卷之九

食貨志 上

田賦

昔馬端臨嘗謂兩廣丁錢莫知所始唐稅米五季加錢宋元無可紀述自明行一條鞭之法而田悉統於戶迄於季世練兵練餉飛灑影射亂政亟行梧地爲用武之區其弊滋甚

國初首除煩苛輕徭薄賦民困亦少甦矣於是履畝勘丈而各縣人丁田畝互有多寡肥磽之殊蒼邑通計畝稅丁糧合以編差加增無論官民學屯僧獐等田共徵銀一萬七

蒼梧縣志

卷之九

食貨志

田賦

二

千七百有奇戶則有丁差銀田則有地畝銀折色米銀輕重不一又各編以里甲均徭驛傳兵欸四差復加增胛襖黃麻熟鐵翎毛魚膠生銅藥材鋪墊水腳等項隨田編差或止編一差或全不編差有無加增各別條欸乃因其戶之原有某田若干折色米若干應征若干爲一定之例聽民賣買立券官爲印合之計戶納糧一遇水旱坍荒均有豁免卽首報開墾亦止計畝陞科無復有編差加增之累雖不獲年清年欸民或延至來春而卒無欠者嘉慶二十四年縣設櫃於堂令納戶自秤自封投之官爲給票而書吏無所售其奸乃奉行不久旋設櫃科往往督察稍疏不

無侵蝕陋規遞增靡所底止富者猶可支持貧者何堪股
削唯望上之人潔己奉公減一分之入則民受一分之惠
吁

國家

自乾隆以來永不加賦休養生息越至於今然後得地
有餘利人有餘財為政者欲不保障而繭絲之忍乎哉

唐嶺南諸州稅米上戶一石二斗中戶八斗下戶六斗通典

景龍末開屯田以息轉運唐書王峻傳

宋大中祥符四年除舊輸身丁錢丁錢起於偽國五季時馬殷稱楚劉晟稱南漢

凡租稅有穀帛金鐵物產四項元豐閒有夏稅秋稅紹

興閒賦廣西布有折布錢折米錢通考

蒼梧縣志 卷之九 食貨志 田賦

明初定賦役有夏賦秋糧明史食貨志

國朝直省州縣丁徭均入田賦代輸若田有墾復陞科仍改

入田賦內計其輕重而通均之會典

漢蒼梧郡戶二萬四千三百七十九口一十四萬六千一

百六十漢書地理志

後漢合郡十一城戶一十一萬一千三百九十口四十六

萬六千九百七十五後漢書郡國志

晉蒼梧郡戶七千七百晉書地理志

宋蒼梧戶六千五百九十三口一萬一千七百五十三宋書

州郡志

隋蒼梧郡戶四千五百七十八 隋書地理志

唐蒼梧郡戶一千一百口六千三百七十 通鑑

梧州開元戶二千二百九十元和戶一千八百七十一 元和志

梧州戶三千八十四口五千四百二十三 舊唐書地理志

天寶戶五千 同上

梧州蒼梧郡戶千二百九 新唐書地理志

宋梧州戶主一千一百八十八客四百九十九 寰宇記

梧州戶主三千九百一十四客一千八百二十一 九域志

梧州元豐戶五千七百二十 宋史地理志

蒼梧縣志 卷之九 食貨志 田賦 四

元梧州路蒼梧尹戶五千二百口一萬九百一十 元史地理志

明洪武二十四年戶六千二百口二萬九千二百六十至

萬曆二十年戶六千三百口二萬三千五百六十二至

崇禎元年戶六千六百九十八口二萬七千四百二十

四 舊志

國朝順治初編七千二百七十四丁五分二釐一毫計每丁

沿明舊例分當四差應征里甲一差銀四分均徭驛傳

兵歛三差銀一錢一分共征銀一錢五分初優免一百

九十一丁九分 凡鄉官舉貢監生吏承皆優免 銀二十八兩零八分五

釐至十三年征回共銀一千零九十一兩一錢七分八

釐舊志

康熙二十年至五十年增五百六十四丁 同上

康熙五十年至乾隆三十一年共增一千八百丁欽奉

恩詔以盛世滋生永不加賦唯照康熙五十五年前合縣人丁

七千八百三十八丁六分二釐一毫永為定例 府志

共編丁差銀一千一百七十五兩七錢九分三釐一毫

五絲

明以前邑中賦役前志不詳洪武初造紅黃冊董以里長

編定四差凡課程公費之類曰里甲柴薪皂役之類曰

均徭水程夫馬之類曰驛傳弓兵民壯之類曰兵款 明史

蒼梧縣志 卷之九 食貨志 田賦 五

明楊芳賦役議國初之制百十戶為里丁糧多者為長
每里十甲首戶百即周人比長閭胥之職也圖分十里
輪年應役十年而周公賦公甸皆里正董之一年在官
九年在家故其賦易供而其民常逸歷年漸久徵輸之
制名色繁多曰額辦者以物料為貢有定額者也曰雜
辦者藩司承部不時徵派無定額者也有定額者民猶
得按額而輸之無定額者吏巧為名色今日日奉計部
明日日奉繕部今日日奉司文明日日奉部文今日日
正編明日日加編頭緒紛里長茫然莫知其措則不
得不多方以應之至於差役其繁滋甚見役里甲賦錢
於官曰綱銀曰辦銀有司復懼之令直日供具無名之
征紛然四出即百緡不以抵數窮鄉小民白首不識官
府僱人代直月費數十金里甲大苦及編均徭又復取
盈其最重者莫如庫子夫甲廩保諸役上司行部使客
下車下程夫役之費急如星火而郡邑長吏諸餼務咄
嗟立辦大都廩編一兩費可百餘金庫子編一兩費可
數百餘金至兵役繁興衙蠹蝟集編派彌多民不勝弊
破費鬻產逃亡者相踵矣自一條鞭之法行之兩浙諸
藩多倣而行之其法合一邑錢糧分為四差一曰里甲
則課程公費之類也一日均徭則柴薪皂役之類也一

曰驛傳則水程馬夫之類也一日兵歛則弓兵民壯之類也通括四差之數每歲幾何每米一石酌銀幾何一切僱役官給之費而民不與焉然後編為成書刊為由帖上無以飾憲司之觀下無以掩閭閻之目貧富適均出入有度雖聖詰復生莫之易也至若補偏救弊之權則當責之有司

洪武初定官田每畝五升三合五勺民田三升三合三勺

重租田八升五合五勺續通志

萬厯九年清丈蒼梧定額官民學職僧獐田地塘稅三千

五百七十八頃六十一畝五分七釐有奇舊志

夏稅秋糧折色米一萬五千七百五十四石八斗一升零

編四差共銀七千九百一十三兩二錢八分同上

原起運桂林廣儲倉米六千石折銀三千兩平樂府慶豐

蒼梧縣志 卷之九 食貨志 田賦 六

倉米六千石折銀三千兩昭平縣倉米二千石折銀一

千兩均解布政司舊志

原存留本府廣備倉米一千七百五十四石八斗一升折

銀七百零一兩九錢二分四釐內抽八十七兩解司同上

國朝蒼梧縣在城併郭外十一鄉編為二十五圖一所二百

五十五甲在城四圖四十甲平政三圖三十甲多賢二

圖二十甲東安二圖二十甲潯陽一圖十甲安平二圖

二十甲思德一圖十甲吉陽二圖二十甲平樂二圖二

十甲冠蓋二圖二十甲長行三圖三十甲須羅一圖十

甲梧州所五甲縣冊

圖甲內聽民立戶無論官民學屯等田悉歸之民凡民間賣買計米石取銀五錢准其推收過戶作為永業順治初每年額征稅契銀八十兩雍正六年改給布政司印定契紙每白契價銀一兩征稅三分縣官加印年終彙繳

參舊志

通縣官民學屯附種等田共三千七百六十一頃八十

畝零三分五釐九毫三絲八忽七微

縣冊參府志已後係逐條分列

定額凡官民學種田每畝歲征地畝銀九釐秋糧分正上中下四則科米折色不等無夏稅亦無本色加編呈甲均徭驛傳兵款四差唯於下則民田塘及下一半防守

蒼梧縣志

卷之九

食貨志

田賦

七

種米內每石征銀三錢零七釐三毫又順治十六年增胖襖銀九十三兩七錢七分三釐五毫康熙元年增翎毛黃麻熟鐵銀四錢六分三釐三毫增魚膠生銅銀六兩一錢六分四釐三毫五絲康熙三年增藥材鋪墊水脚銀八兩一錢九分九釐二毫六絲在於下則民田塘及下一半防守種三項米內每石派增胖襖銀六釐一毫八絲五忽翎毛黃麻熟鐵銀三絲零四微一千魚膠生銅銀四毫零六忽六微藥材鋪墊水脚銀五毫四絲零八微

縣冊參舊志下同

下則民田三千三百二十七頃四十一畝一分七釐九毫

零五忽九微計地畝銀二千九百九十四兩六錢七分
零六毫一絲一忽五微三千每畝科米四升二合八勺
計秋糧折色米一萬四千二百四十一石三斗二升二
合四勺六抄三撮七圭二粒每石折銀四錢八分八釐
五毫五絲計銀六千九百五十七兩五錢九分八釐零
八絲九忽六微五千零初優免鄉官舉貢監生吏承米
二百七十八石七斗二升一合免編均徭驛傳兵欸三
差止編里甲一差每石銀八分順治十三年征回三差
厥後仍從優免米至六百八十餘石其餘均編四差復
於原米派勻應征編差銀四千一百九十四兩九錢零

蒼梧縣志

卷之九

食貨志

田賦

八

七釐六毫八絲八忽三微零共派增胖襖銀八十八兩
零八分二釐翎毛黃麻熟鐵銀四錢三分五釐魚膠生
銅銀五兩八錢零四釐零五絲藥材鋪墊水脚銀七兩
七錢零一釐七毫零

下則民塘田一百七十三頃二十四畝二分四釐六毫一
絲四忽又雍正七年至乾隆十七年首墾六畝零一釐
零零八忽共一百七十三頃三十畝零二分五釐六毫
一二絲二忽計地畝銀一百五十五兩九錢七分二釐三
毫零五忽九微八千每畝科五升計秋糧折色米八百
六十六石五斗一升二合八勺一抄一撮每石折銀同

前計四百二十三兩三錢三分四釐八毫三絲三忽八微一千零共編四差銀二百六十六兩二錢七分九釐三毫八絲六忽八微二千零共派增胖襖銀五兩三錢五分七釐六毫翎毛黃麻熟鐵銀二分六釐三毫四絲二忽魚膠生銅銀三錢五分二釐二毫零三忽藥材鋪墾水脚銀四錢六分八釐四毫四絲九忽

附徵田原額梧州所民佃餘糧并丈復餘糧田一百三十二頃三十一畝六分三釐零又雍正三十七年首墾餘糧老荒田三頃五十五畝一分六釐零又乾隆十七年首報餘糧田二十九畝三分三釐零共田一百三十六

蒼梧縣志

卷之九

食貨志

田賦

九

頃一十六畝一分二釐零計地畝銀一百二十二兩五錢四分五釐零八絲每畝科米一斗計秋糧折色米一千三百六十一石六斗一升二合每石折銀五錢計銀六百八十兩零八錢零六釐不編差亦無加增

首墾陞科自乾隆十七年至二十五年共田二頃六十八畝六分九釐零計地畝銀二兩四錢一分八釐二毫一絲每畝科米同前計秋糧折色米二十六石八斗六升九合每石折銀同前計銀一十三兩四錢三分四釐五毫不編差亦無加增

下則墮田二十三頃六十二畝一分九釐零計地畝銀二

十一兩二錢五分九釐七毫一絲每畝科米四升二合八勺計秋糧折色米一百零一石一斗零一合七勺三抄二撮每石折銀四錢八分八釐五毫五絲計銀四十九兩三錢九分三釐二毫五絲一忽一微六千不編差加增

上下各半防守獐田共二十五頃二十五畝四分二釐內上一半防守獐田該一十二頃六十二畝七分一釐計地畝銀一十一兩三錢六分四釐三毫九絲每畝科米同前計秋糧折色米五十四石零四升三合九勺八抄八撮每石折銀同前計銀二十六兩四錢零三釐一毫

蒼梧縣志

卷之九

食貨志

田賦

十

九絲零三千三塵零不編差加增

下一半防守獐田該一十二頃六十二畝七分一釐計地畝銀一十一兩三錢六分四釐三毫九絲每畝科米同前計秋糧折色米五十四石零四升三合九勺八抄八撮每石折米同前計銀二十六兩四錢零三釐一毫九絲零三千三塵零編均徭一差每石折銀八分共征銀四兩三錢二分三釐五毫九忽零共派增胖襖銀三錢三分四釐三毫翎毛黃麻熟鐵銀一釐六毫四絲三忽五微魚膠生銅五分七釐一毫零四忽藥材鋪墊水脚銀二分九釐二毫二絲七忽

正則梧州所屯田一十三頃三十畝零一分四釐八毫八絲二忽計地畝銀一十一兩九錢七分一釐三毫三絲九忽三微八千每畝科米二斗計秋糧折色米二百六十六石零二升九合七勺六抄四撮每石折銀四錢計銀一百零六兩四錢一分一釐九毫零五忽六微不編差加增以下同

上則屯田三頃二十八畝二分八釐五毫一絲地畝銀二兩九錢五分四釐五毫六絲五忽九微每畝科米一斗五升計秋糧折色米四十九石二斗四升二合七勺六抄五撮每石折銀同前計銀一十九兩六錢九分七釐

蒼梧縣志

卷之九

食貨志

田賦

七

一毫零六忽

中則屯田七頃四十畝零九分七釐三毫四絲四忽地畝銀六兩六錢六分八釐七毫六絲零九微六千每畝科米同前計秋糧折色米一百一十一石一斗四升六合零一抄六撮每石折銀同前計銀四十四兩四錢五分八釐四毫零六忽四微

下則屯田二十頃零二十八畝五分六釐四毫二絲三忽八微地畝銀一十八兩二錢五分七釐零七絲八忽一微四千每畝科米七升零零零一撮九圭一粒計秋糧折色米一百四十二石零零一合四勺二抄七撮八圭

八粒零每石折銀同前計銀五十六兩八錢零零五毫七絲一忽一微五千

上則正官北學歸民田六頃二十七畝一分二釐三毫六絲一忽地畝銀五兩六錢四分四釐一毫一絲二忽四微九千每畝科米二斗八升九合八勺計秋糧折色米一百八十一石七斗四升零四勺二抄二撮一圭七粒零每石折銀四錢八分八釐五毫五絲計銀八十八兩七錢八分九釐二毫八絲三忽二微五千零

上則南學僧田二頃零九畝八分二釐八毫零地畝銀一兩八錢八分八釐四毫五絲二忽每畝科米二斗四升八合四勺計秋糧折色米五十二石一斗二升一合二勺七抄五撮二圭每石折銀同前計銀二十五兩四錢六分三釐八毫四絲八忽九微九千零

上則官租瘠地歸民田一畝二分五釐地畝銀一分一釐二毫五絲每畝科米二斗計秋糧折色米二斗五升每石折銀同前計銀一錢二分二釐一毫三絲七忽五微中則沒官歸民田一十六頃二十七畝一分五釐八毫七絲地畝銀一十四兩六錢四分四釐四毫二絲每畝科米一斗三升二合四勺八抄計秋糧折色米二百一十五石五斗六升五合九勺八抄四撮五圭七粒每石折

銀同前計銀一百零五兩三錢一分四釐七毫六絲二忽七微六千零

中則陞科職田三頃八十九畝六分七釐二毫二絲零地畝銀三兩五錢零七釐零四絲九忽八微每畝科米九升零九勺五抄計秋糧折色米三十五石四斗四升零六勺八抄六撮五圭九粒每石折銀同前計銀一十七兩三錢一分四釐五毫四絲七忽四微三千零

中則正官塘歸民田五十三畝五分零地畝銀四錢八分一釐五毫每畝科米一斗六升計秋糧折色米八石五斗六升零每石折銀同前計銀四兩一錢八分一釐九

蒼梧縣志

卷之九

食貨志

田賦

三

毫八絲八忽

共計地畝稅銀三千三百八十五兩六錢二分三釐二毫三絲四忽四微八千

共計秋糧折色米一萬七千七百六十七石六斗零四合三勺二抄四撮一圭四粒折銀八千六百四十五兩九錢二分七釐六毫一絲一忽四微

共計編差銀四千四百六十五兩五錢一分零五毫九絲四忽一微二千

共計加增胖襖黃麻魚膠藥材等項銀一百零八兩六錢零零四毫一絲

連上丁差銀一千一百七十五兩七錢九分三釐一毫五絲

總共額徵銀一萬七千七百八十一兩四錢五分五釐

按完糧法各自殊科田有正中上下四則之分米即有斗升合勺諸科之別即禹貢賦上上而中中之遺意大約民戶田米合以丁銀地畝及加編四差新增等共五項每米一升應完銀一分零八毫零四釐八毫零下編差新增共四項每米一升應完銀九釐八毫零下一半防守糧米合以地畝均徭一差併新增四項每升應完銀七釐七毫九絲其餘各米合以地畝兩項每升約計附征墾復等田應完銀五釐九毫下則糧上則中則屯應完七釐零正則屯應完四釐四毫五絲上則中則屯應完四釐六毫下則屯應完五釐三毫北學應完八釐一毫南學應完八釐七毫上則官租瘠地應完五釐四毫中則沒官應完五釐七毫中則陞科職田應完五釐九毫中則正官塘應完一分零六毫隨米輸糧總以田米折算再入加一隨征傾銷銀水約加三成爲定例

蒼梧縣志 卷之九 食貨志 田賦 古

明太守謝君惠勸農行春草南疇綠農事正相屬汚邪與甌篋併手嗟賦足霖霖山前土膏肥水耕火耨趁及期烟迷簑笠雨濕犁薄糜一缶水一卮盤中粒粒皆膏脂辛勤還有歡樂處我賡幽風爲爾語百室盈止婦子喜三耕九蓄古如此

原編起運銀九千九百六十三兩零四分五釐零 府志

原編存留續裁改入起運銀四千一百九十七兩五錢五

分八釐零係存項下俸工廩糧祭祀正支雜支驛站六

欸裁改之數 府志

編贖昭平倉及本府廣備倉糧銀三百一十二兩零三分

八釐零 府志

新增編入起運銀一兩九錢二分 縣冊

實共起運銀一萬四千四百七十四兩五錢六分三釐
零遇閏加銀二百九十八兩一錢八分九釐

原編存留銀七千五百零六兩三錢七分一釐零內除續
裁改入起運銀四千一百九十七兩五錢八分八釐零

實存留銀三千三百零八兩八錢一分二釐零又除新
增編入起運銀一兩九錢二分實存留銀三千三百零

六兩八錢九分三釐零

府志

內除本縣驛站銀七百五十三兩五錢九分一釐遇閏
加支銀六十二兩七錢七分九釐零

縣冊

再除本縣囚糧折米銀二十三兩四錢四分遇閏不加

蒼梧縣志

卷之九

食貨志 田賦

五

縣冊

實共存留銀二千五百二十九兩八錢六分二釐遇閏
加銀一百五十二兩七錢六分六釐

一解布政司鄉飲銀一十兩出貢坊儀銀一十六兩本府
熟俸內攤補荒俸銀一十二兩零五分四釐本縣熟俸

內攤補荒俸銀五兩一錢六分六釐本府裁汰司獄俸
銀三十一兩五錢二分司獄皂隸二名工食銀一十二

兩有閏加本府奉裁禁卒八名工食銀四十八兩有閏
銀一兩加銀

兩四

共解司銀一百三十四兩七錢四分

遇閏加銀五兩

一解本府俸銀九十二兩九錢四分六釐同知俸銀八十

兩經歷俸銀四十兩本府門子二名皂隸十六名馬快

十名步快十六名轎繖扇夫七名共五十一名每名每

月工食銀五錢共銀三百零六兩有閏加銀二十五兩五錢同知門

子二名皂隸十二名步快八名轎繖扇夫七名共二十

九名每名每月工食銀五錢共銀一百七十四兩有閏加銀

一十四兩五錢經歷門子二名皂隸四名馬夫一名禁卒四名

共十一名每名每月工食銀五錢共銀六十兩有閏加銀五兩

浮橋三江渡夫工銀并修船共銀二十兩零六分有閏加銀

一兩五錢六分七釐桂江浮橋渡夫工食銀三兩六錢有閏加銀三錢府

蒼梧縣志 卷之九 食貨志 田賦 共

學廩生廩糧銀六十六兩有閏加銀五兩四錢九分九釐

共解府銀八百四十二兩六錢零六釐遇閏加銀五十二兩三錢

六分六釐

一在縣支銷拜賀習儀香燭銀一兩四錢府縣文廟春秋

二祭銀五十六兩六錢三分二釐各二十八兩三錢一分六釐香燭

銀三兩零四釐各一兩五錢零二釐山川社稷城隍同春秋二祭銀

一十七兩零九分五釐本縣武廟春秋二祭銀一十六

兩二錢六分二釐祭厲壇上中下元三祭銀一十五兩

香燭煮粥米銀七錢八分本縣熟俸除攤補荒俸外實

銀三十九兩八錢三分四釐教諭俸銀四十兩訓導俸

銀四十兩典史俸銀三十一兩五錢二分東安司俸銀三十一兩五錢二分安平司俸銀三十一兩五錢二分長行司俸銀三十一兩五錢二分本縣門子二名工食銀一十二兩有閏加銀一兩皂隸十六名馬快八名轎傘扇夫七名庫子四名斗級六名禁卒八名吹鼓手八名民壯三十四名連地保三名炮手一名件作二名共民壯四十名計地保工食每名每月銀一兩件作工食每名每月銀一兩五錢餘俱每名每月工食銀五錢共食役九十八名歲支銀六百二十四兩有閏加銀五十二兩府門黃塘頭二等鋪兵二十六名工食銀一百七十六兩四錢有閏加銀

蒼梧縣志

卷之九

食貨志

田賦

七

一十四兩七錢修理監倉工料銀二十兩鐸戶一名口糧銀一

兩八錢平浪觀音等處渡夫四名工食銀九兩三錢六

分孤貧四十名每名每日口糧銀八釐共銀一百一十

三兩二錢八分有閏加銀九兩六錢孤貧冬衣銀二十兩典史門

子一名皂隸四名馬夫一名共六名每名每月工食銀

五錢共銀三十六兩有閏加銀三兩儒學門斗三名工食銀十

八兩有閏加銀一兩五錢齋膳夫十名工食銀三十兩有閏加銀二兩五錢

東安司皂隸二名工食銀一十二兩弓兵十名工食銀

三十三兩八錢六分三釐五毫安平司皂隸二名工食

銀一十二兩弓兵十名工食銀三十三兩八錢六分三

釐五毫長行司皂隸二名工食銀一十二兩弓兵十名
工食銀三十三兩八錢六分三釐五毫

共在縣支銷銀一千五百四十五兩一錢七分五釐

有閏加支銀八十四兩三錢共存正額銀七兩三錢四分一釐又存閏年剩銀十一兩一錢一切零數歸入耗羨辦公銀內

縣學廩生廩糧銀四十兩有閏加銀三兩三錢三分三釐

以學政批准補廩之日起至出缺日停止中間空缺扣歸正款在地丁銀內動支遇舉

人會試每名水脚銀見學亦於地丁銀內動支報銷上

縣冊

雩祭銀六兩在司庫耗羨銀內動支通志

蒼梧縣志 卷之九 食貨志 田賦 六

先農壇祭銀三兩五錢四分在籍田銀支銷通志 籍田銀見壇廟

本縣年內隨征加一耗羨銀一千七百七十八兩一錢四分

分五釐六毫有閏加銀五十一兩四錢七分五釐四毫

縣冊

雍正五年定例各州縣留支耗羨銀內每解地丁銀一千

兩隨解部飯食銀十兩外解二分存留司庫以備臨時

需用又解五釐歸驛鹽道庫支給千里馬輿夫塘船之

用 通志

蒼梧應解二分赴司耗羨銀三百五十五兩六錢二分九

釐有閏加銀一十兩零二錢九分五釐解五釐歸道員耗羨銀八十八兩

九錢零七釐

有閏加銀二兩五錢七分四釐

尚餘耗羨銀一千一百七十一兩一錢零留為辦公需用

外每年赴司請領本縣原額養廉銀一千七百九十二

兩三錢并加增養廉銀三百兩

通志 有原鹽稅銀四百兩迎送上司傘扇銀

十兩又巡捕官四員每年在司領養廉銀八十兩

每年驛站銀見上內每日坐支站船水手工食銀三錢二分

年終造冊申驛鹽道

以上縣冊因糧銀並見上

按檔冊所記丁糧銀數起運外凡存留支銷一切祭祀官俸工役靡不備載如讀周官至纖至悉亦可見我國家經制之詳且盡矣至於賦斂所入稍有贏餘即留為邑合辦公之用又復增巡捕之員以助之加養廉之額以勗之此其所以政無不舉而民得相保聚於田廬有白首不至城市者猗歟休哉雖三代之隆曷以過此

蒼梧縣志

卷之九

食貨志

田賦

九

附貢物

唐貞觀元年蒼梧貢銀班布戶一千四百六十

舊志

梧州開元貢白石英元和貢白石英二十兩

元和志

蒼梧郡土貢銀

唐書地理志

宋梧州蒼梧郡貢銀十兩白石英二十兩

九域志

開寶八年梧州貢珠

府志 見外傳

明正德十六年罷廣西香貢嘉靖甲子廣西進葛布諸郡

縣貢額無考

通志

國朝貢額禮部項下藥材工部項下胖襖皮張魚膠生銅丁

字庫翎毛黃麻熟鐵已歸入正供

見上田賦

乾隆二十三年

議准刪除欵目 通志

安南貢道乾隆五十三年議准以申子辰之歲爲貢期
陪臣一員通事一員從人十三名自龍憑關入貢由思
明登舟從左江順流至梧州蒼梧縣轉桂江沂流至省
逐程交替回國仍照前例 參通志

蒼梧縣志

卷之九

食貨志

田賦

辛

倉儲

三代盛時藏富於民後世豆區釜鍾區區補救抑未矣救荒無全策我倉既盈我庾維億庶幾鴻雁不至哀鳴昔之告糴者今且泛舟而濟於鄰也

常平本漢法唐李渤奏常平倉本救荒歉桂管當州去京萬里奏回方給豈及飢人請遇災荒量事賑貸訖續分析奏聞庶使遠人速活皇靈遠被獷俗知恩通志

宋天禧四年詔廣南並置常平倉通考

明宏治三年五月定預備倉糧州縣每十里以上積糧一

萬五千石續通考

蒼梧縣志

卷之九

食貨志

倉儲

三

嘉靖八年令撫按曉諭積糧之家量其所積多寡以禮勸借若有仗義出穀二十石銀二十兩者給與冠帶三十石三十兩者授正九品散官四十石四十兩者正八品五十石五十兩者正七品俱免雜派差役出至五百石五百兩者除給與冠帶外有司仍於本家豎立坊牌

以彰尙義

同上 嶺外代答曰常平米斛見存無幾所

在皆是也廣右諸郡唯靜江常平米止支諸司人吏俸米自餘諸郡不以軍糧不足借支不還則以久不賑發腐損耗失軍糧不足而借支所至皆然非獨廣右且廣西斗米五十錢穀賤莫甚焉夫其賤非誠多穀也正以生齒不蕃食穀不多耳田家自給之外餘悉糶去會無久遠之積富商以下價糶之舳舻銜尾運之番禺以罔市利名曰穀賤其實無積儲爾州郡久不賑發一連遇大凶年米斗僅至二百錢則人民已有流離之禍州縣拱手無策以處之然則穀賤之果不足恃也

國朝蒼梧縣常平倉

倉厥在縣署後見公解

存穀一萬石又捐納穀一

如此若夫以新易陳在州郡所得為之事
曰歛曰散曷不於樂歲廣糴以為之備乎

萬五千石

通志

據雍正十二年舊額

順治十四年

道員稽察每歲造冊報部察積穀多寡以定功罪雍正元年戶部議准廣東巡撫年希堯奏應將各府州縣存倉穀石每年春初穀貴之時存七糴三秋成後買補還倉如有贏餘銀兩報明買穀備賑仍令該撫不時盤查將糴買穀石價值數目造冊報部查核儻出陳易新之時胥吏中飽州縣虧空立即指明題參五年戶部等議准條奏州縣各倉穀石恐年久涸爛許隨時平糴出陳易新收放之地方官如有侵漁挪移等弊應令該管上司不時查核其社倉之制因時斂散應從民便州縣如別立出借名色網利滋擾該管上司察出立即揭參乾隆四年准戶部咨奉 上諭兩廣徵收糧米支給本省兵食民間因名為兵米聞向來州縣言皆折收銀兩每石照時價多收銀六七錢至加倍不等收銀之後另買稻穀碾米給兵其買穀或派富戶或派米鋪每石又

蒼梧縣志

卷之九

食貨志

倉儲

三

照價短發一錢或數分不等甚至有富家希圖交結因事請託並不領價者以此一出入之間多收少發小民何堪賠累之苦著該督撫悉心查察務令公平乾隆辦理倘有仍前滋弊者即行嚴參毋得姑容欽此

十四年奉文常平倉自雍正十二年以前定額穀二萬

五千石隨將十二年采米備賑穀五百一十石八斗二

升又乾隆十年捐監穀二百零六石五斗五升一併歸

入額內三共存穀二萬五千七百一十九石三斗七升

除平糴穀一百一十四石二斗五升實存倉穀二萬五

千六百零五石一斗二升計較雍正開多存穀九十二

石三斗緣縣與東省犬牙相入易於協濟且係梧郡首

邑多存穀石不准糴撥 府志參 乾隆三十年分貯府倉

穀一萬五千七百四十石縣冊又例遇凶年准兵丁

買補還倉

通共存穀四萬一千三百四十五石一斗二升

嘉慶年間完存道光四年淫雨倉壞濕穀一千二百石

變價五年隨即修復買補十年米貴平糶存七糶三至

十一年計平糶常平穀四千零五十石繳價赴司今已

領回尙未買補是冬湖南猺匪滋事十二年奉文碾支

兵米計碾常平穀一千九百二十九石四斗一升一合

七勺八抄縣冊

社倉今北倉倉廩見建置公廨舊存穀五百六十三石七斗一升零通志

蒼梧縣志卷之九食貨志 倉儲 三

據雍正十二年舊額節年出借所收息穀并各年借常平穀石收

息歸入社倉共積社穀五千四百三十九石八斗零至

乾隆二十二年奉文蒼梧大縣應額存社倉穀四千石

其溢額穀一千四百三十九石八斗零糶價解歸司庫

縣冊 乾隆二十一年巡撫鄂寶疏畧廣西社倉穀石原撥動常平倉穀借民取息立為社倉之本自雍正元年出借收息以來迄今三十餘載計存穀三千萬石有零為數已屬充盈此項穀石例祇出借若不稍為變通將來息穀日多年復一年積儲尤難經理粵西地氣潮濕非特霉爛堪虞即各州縣亦不能概建倉廩或散儲於菴觀寺廟以及社長保甲頭人之家地方官照料難周恐啟侵挪之弊伏查小民領借社穀向來每一州縣不過三四十石案數酌留足資接濟即或偶有不敷之處常平額穀頗多共有一百二十七萬四千餘石向例借糶兼行儘可通融辦理請將前項社穀倣照常平倉之例酌定應儲額數分別州縣大小州縣每處儲社

穀四千石中州縣每處儲社穀三千五百石小州縣每處儲社穀三千石以備出借之需其溢額穀石飭合案照時價糶賣將價銀解司儲庫設有民食缺乏應行撫恤賑借之處隨時奏明動用如此酌量變通庶應儲之社穀足敷每年出借之用不致陳陳相因更無添建倉廩積多滋弊之虞似於倉儲民食均有裨益尋經戶部議准

實存社倉穀四千石

原分儲社倉穀四千石東安安平長行三巡檢司社倉穀各六百石共一千八百石縣舊存社穀二千二百石

通志 歷任盤缺已將價繳存縣庫尙未買補還倉 縣冊

東安鄉巡檢分儲社穀六百石義倉穀二千六百五十六石六斗二升九合安平鄉巡檢分諸社穀六百石義倉

蒼梧縣志

卷之九

食貨志

倉儲

十四

穀四百七十一石三斗四升長行鄉巡檢分儲社穀六

百石義倉穀一千七百零三石五斗零四合二勺 通志

義倉

積穀歸常平及北倉

雍正年間奉文各縣勸諭士民捐輸穀石

建設義倉與社倉一例出借收息蒼梧以乾隆元年四年七年所收士民捐輸穀節年出借本息俱各存倉 縣冊

共存本息穀一千八百三十一石六斗九升四合四

勺

備東穀乾隆二十四年奉文議於桂平潯梧四府附近東

省水次可通各州縣添積穀十萬石梧屬二萬五千石

蒼梧縣存備東穀七千石

通志 是年署巡撫鄂寶疏畧廣西與廣東連界向因廣

西省所產穀石除本地食用外尙有餘剩而廣東卽年屬有收亦不敷一歲之用是以歷來聽商販運以期流通然在廣西豐稔之年廣東得此商運之數儘可補其不足廣西本出自有餘民食亦無虞缺乏有無相通誠屬兩便惟是偶值歉收粵東之所需日用日多粵西之所產漸運漸少遂致商販居奇民受貴食之累是以上年粵東需米過多粵西因而價昂當卽開倉糶借並奏明粵西常平倉穀酌撥十萬石運東接濟在案但常平儲備穀石向有定額偶一協撥事尙可行不能援爲常例粵東旣資西穀接濟則儲備之道不可不預爲講求查粵西桂平梧潯四府附近粵東濱臨大江俱一水可通若於此四府暨所屬附近水次各州縣添儲穀十萬石遇粵東價值昂貴粵西客穀稀少之時會同酌撥聽粵東委員運往平糶將糶穀價歸還粵西案數買補源源備儲庶民食有賴緩急得以通融

嘉慶十八年奉文撥運備東穀數內
經歷任知縣於戎墟埠及郡城河干發價采買已買穀
五千九百五十六石未買穀一千零四十石并將原價

蒼梧縣志

卷之九

食貨志

倉儲

三

提存司庫至道光十一年內奉文備東穀改作粵西儲

備倉

縣冊

道光十一年起奉文分三次共解原備東穀五千九百

五十六石赴省儲備倉隨於十一月內藩司發下儲備

倉經費籌欸本銀四百八十兩交各典商按月一分生

息每年冬季繳府解司

同上

附存縣倉歸民經管義倉本息穀五百一十五石四斗五

升零二勺

縣冊

帶管本府社倉穀二千三百六十一石七斗內除前府王

又蓮碾支孤貧口糧穀一千六百六十一石五斗六升

二合尙應存府社穀七百石零零一斗三升八合

縣冊

卹養軍流本穀一百石息穀五十九石四斗二升六合

六勺

通志

奉撥靈川縣未運穀二斗二升一合永寧州

未運穀一石九斗九升二合永福縣未運穀一石四斗

九升四合灌陽縣未運穀一石四斗九升四合共未運

穀五石二斗零一合

縣冊

又廣西囚糧每日給米一

爲八合三勺見通志

又各鄉義倉本息穀嘉慶六年改歸民經營各義長副陸

續侵漁顆粒無存經官追繳家產盡絕

道光二十九年清查報司有案

以上倉儲咸豐七年城陷盡失顆粒無存

蒼梧縣志

卷之九

食貨志

倉儲

三

又義倉同治六年知府劉楚英倡各官紳捐穀通稟上

憲存案歸紳士管理建倉於學宮餘地忠孝祠前現貯

穀三千餘石

府冊

附 蠲卹孤貧銀數

歷代蠲卹備載外傳紀事篇我

朝偶遇偏災卽行豁免

皇仁廣被洽髓淪肌紀載以外地方官仰體

國家子惠元元至意預爲籌畫嘉慶十四年知縣劉成志勸

士民捐賑剩銀二百五十餘兩發典生息歲杪繳府存

庫二十一年發息銀一百六十兩賑沙街被火貧民後

積至道光十一年息銀至一千一百一十兩是時夏閒米貴知府鍾祿知縣姚開翔再為勸捐除賑卹外剩銀八百餘兩因辦兵差挪用十四年奉撫憲堤扣發回知府仍交典商生息一分五釐至二十五年共收存息銀一千九百四十九兩零知府宗元醕捐廉五十兩湊成二千兩發典一分生息按月由銀匠收繳其原款銀八百餘兩仍按年繳息留存府庫府冊

原額孤貧四十名每年口糧冬衣支地丁銀一百三十三兩二錢八分外有病故給棺木銀一兩住養濟院見公廨冬衣及口糧

並見上田賦縣冊

蒼梧縣志

卷之九

食貨志

蠲卹

七

梧廠內設隨關收養原額孤貧大小男婦七十三名每月給米二斗薪水銀一錢又經歷司董理書役二名給紙張銀二錢四分三釐共月給銀七兩五錢四分三釐府冊歲共支銀八十七兩六錢米一百七十五石二斗冬給棉衣病故給棺均於雜稅銀內開支府冊參通志

又額外孤貧八十二名月給米二斗在知府劉暉潭所捐生息銀開支又知府張嗣衍增折水銀八十兩通志今

額外增養孤貧一百五十四名每月給米二斗合共孤貧二百三十六名月應給米四十五石四斗開支廠內公費折水項銀三十一兩二錢六分七釐又西櫃運商

生息銀一十二兩五錢月底清繳每月共開支銀四十
三兩七錢六分七釐除月支薪水紙張銀七兩五錢四
分三釐外尙餘銀三十六兩二錢二分四釐爲發給時
直米價之用自嘉慶五年奉部行查每年梧廠額外盈
餘銀二千餘兩留存本府爲添補書院及孤貧口糧巡
船等項需用 府冊

又道光二十五年知府宗元酌增設額外孤貧五十名在
嘉慶十四年賑荒餘銀發典生息項內每月撥支銅錢
二十千文每名給錢四百文

收養遺棄嬰孩道光六年奉文建育嬰堂時知府袁渭鍾

蒼梧縣志

卷之九

食貨志

蠲卹

三

知縣蔣慶錫倡士民捐銀五千九百餘兩除買地創建
見公外餘銀五千兩發典商三千兩鹽商二千兩按月

收息一分二釐擇邑中老成紳士司事月得息銀六十
兩雇乳婦撫育

是年知府袁渭鍾并建棲流所於城東門內棲止軍流又
於東門外大較場西北隅建棲丐所

道光四年知府袁渭鍾設救生船并撈流屍自捐廉銀五
百兩交梧廠銀匠生息每月二分五年總督阮元給賞
捕費銀二百兩一并發交五六兩年存息作本至十三
年七月知府劉錫芳加捐銀四百兩共成本銀一千二

百兩每年計息銀二百四十兩遇有救甦沈船人口及撈獲流屍枯骨分別賞給十五年二月內見息銀足敷支用諭令銀匠照數呈繳俱同上

按以前各款均於咸豐七年城陷後本息蕩然現惟孤貧一項於同治元年知府趙元模諭西櫃埠商捐回生息銀十二兩五錢收養孤貧五十名每名每月給銀二錢五分又同治三年知府盧定勳捐廉照前增養孤貧五十名又同治六年大江埠商亦每月捐銀七兩五錢添養孤貧三十名通共一百三十名

同治四年知府劉楚英二次回任於前盧任捐廉發給

蒼梧縣志

卷之九

食貨志

郵郵

完

之項將圍姓經費撥銀五兩捐廉七兩五錢嗣後各任

照給

府冊

其餘各款均未興復

續采訪